

Ժողովուրդ

29
(3238)

17 մարտի երեքշաբթի 2026
տպագրության ԺԵ տարի

✉ ք. Երևան, Արմավյան 22ա/3 (0010)

☎ +374 10 546423

@ info.armlur@gmail.com, info.zhoghovurd@gmail.com

100 դրամ

ԹՈՐՈՍՅԱՆԻ «ՄԵՔԱՆԱԽԱՐԱՐՈՒԹՅԱՆ» ՆԱԽԱԳԻԾԸ



«Ժողովուրդ» օրաթերթի իշխանական աղբյուրների փոխանցմամբ իշխանության ներսում ակտիվ քննարկվում է առողջապահության եւ սոցիալական ոլորտների կառավարման նոր մոդելի ներդրումը, որի շրջանակում պետք է միավորվեն առողջապահության եւ աշխատանքի ու սոցիալական հարցերի նախարարությունները: Կառավարությունից «Ժողովուրդ» օրաթերթին հասած տեղեկություններով՝ այդ նախաձեռնության հիմնական շահառուներից մեկը աշխատանքի եւ սոցիալական հարցերի նախարար, առողջապահության նախկին նախարար Արսեն Թորոսյանն է, որը ակտիվ աշխատում է, որպեսզի ընտրություններից հետո ձեւավորվելիք կառավարությունում հենց ինքը զբաղեցնի միավորված գերատեսչության ղեկավարի պաշտոնը: Ըստ «Ժողովուրդ» օրաթերթի աղբյուրների՝ քննարկվող նախագծի վրա աշխատանքները արդեն բավական առաջ են գնացել եւ մտնում են վերջնական փուլ: Նախագծի հեղինակները պնդում են, որ սոցիալական քաղաքականությունն ու առողջապահությունը պետք է կառավարվեն մեկ կենտրոնից՝ համակարգը «ամբողջությամբ վերափոխելու» նպատակով: Սակայն կառավարության ներսում այս գաղափարը միանշանակ չի ընդունվում:

⇒ էջ 5

Անցած հանգստյան օրերին վարչապետ Նիկոլ Փաշինյանը իր թիմակիցների հետ ավտոբուսով քարոզարշավի էր մեկնել սահմանամերձ Սյունիքի մարզ: ԶՊ-ականների այցը ակտիվորեն լուսաբանվում էր իշխանական տեղեկատվական հարթակներում, սակայն ուշագրավ մի հանգամանք՝ մարզի համայնքներից եւ ոչ մեկում վարչապետին համայնքապետերը չեն դիմավորել: «Ժողովուրդ» օրաթերթը նկատեց, որ ամբողջ այցի ընթացքում Փաշինյանին եւ նրա թիմակիցներին ուղեկցում էր միայն Սյունիքի մարզպետ Ռոբերտ Ղուկասյանը: Տեսանյութերի կադրերից մեկում մի պահ երեւում է նաեւ Առուշ Առուշանյանը՝ Գորիսի համայնքապետը, որի անունը բարեւեղիս, ինչպես երեւում էր կադրերից, Փաշինյանը հավանաբար չէր հիշում եւ նրան բարեւեց պարզապես «համայնքապետ» դիմելով: Միեւնույն ժամանակ, իշխանական քարոզարշավի կադրերում չեն երեւում Մեղրիի, Կապանի եւ Քաջարանի համայնքների ղեկավարները: Այս հանգամանքը առավել ուշագրավ է, եթե հիշենք, որ այդ համայնքների ղեկավարները նախկինում համարվում էին իշխանության ամենակոշտ ընդդիմախոսներից:




Շարունակությունը՝ ArmLur.am կայքում

Արդեն մեկ տարի է՝ «Ժողովուրդ» օրաթերթը հետետողականորեն փորձում է հասկանալ, թե ինչ փուլում է գտնվում ԱԺ «Քաղաքացիական պայմանագիր» խմբակցության պատգամավոր Արփի Դավոյանի հետ առնչվող քրեական վարույթը, որը 2023-ից քննվում է: Հիշեցնենք՝ «Ժողովուրդ» օրաթերթը գրել էր, որ 2018 թվականին ՀՀ ՊԵԿ քննչական վարչությունում քննվել է մի գործ, որով անցել է Արփի Դավոյանը: Նախնական տեղեկություններով՝ նա ՍՊԸ-ներ է հիմնադրել, ինչ-որ ներկրումներ արել, ապա խաբել պետությանը: Նա 2018 թվականի ապրիլից հետո ՊԵԿ քննչականում անգամ հարցաքննվել է: «Ժողովուրդ» օրաթերթի վերջին հարցմանն ի պատասխան՝ ՀՀ գլխավոր դատախազությունը տեղեկացրել է, թե արդեն իսկ նույնաբովանդակ հարցման պատասխան տրվել է նախկինում: «Ժողովուրդ» օրաթերթը ուսումնասիրեց ստացած բոլոր պաշտոնական գրությունները եւ պարզեց, որ խոսքը մոտ մեկ տարի առաջ տրված նույն պատասխանին է վերաբերվում:



⇒ էջ 3

Արմավիրի մարզպետի տեղակալ Արամ Գրիգորյանը, որը պաշտոնի է նշանակվել 2025 թվականի հոկտեմբերի 28-ին, պետական համակարգում անցած ճանապարհ ունի, դրան զուգահեռ՝ լուրջ ունեցվածք: Մասնավորապես, Գրիգորյանը 1995-2024 թվականներին ծառայել է Հայաստանի ազգային անվտանգության ծառայությունում, այնուհետեւ աշխատել Մեծամորի համայնքապետարանում՝ նախ որպես համայնքի ղեկավարի օգնական, ապա՝ խորհրդակալ: Ավելի ուշ դարձել է նաեւ Արմավիրի մարզպետի խորհրդակալ, իսկ 2025 թվականի աշնանից արդեն զբաղեցնում է փոխմարզպետի պաշտոնը: «Ժողովուրդ» օրաթերթը ուսումնասիրեց պաշտոնյայի 2025 թվականի գույքի, եկամուտների, ծախսերի եւ շահերի հայտարարագիրը եւ պարզեց, թե ինչ ունեցվածք ու եկամուտներ ունի մարզպետի տեղակալը:



Մանրամասները՝ ArmLur.am կայքում

ՔԱՂԱՔԱԿԱՆ

ՀԱՐՑԱԳՐՈՒՅՑ

«ԿԻՐԱՌՎՈՒՄ Է ՊԱՏՄԱԿԱՆ ԱՆԱՐԴԱՐՈՒԹՅԱՆ ՄԵՐՄԱՆՈՒՄԸ»

ArmLur.am-ի գրուցակիցը Վանաձորի նախկին քաղաքապետ Մամիկոն Ասլանյանն է:

-Պարոն Ասլանյան, գտնվելով Հակակոռուպցիոն դատարանի դիմաց՝ Ձեր աջակցությունն եք հայտնում ազգային բարերար Սամվել Կարապետյանին: Դուք ես եղել եք քաղաքապետը: Այս համատեքստում ինչ սպասելիքներ ունեք Սամվել Կարապետյանի դատական գործից:

-Ցավոք սրտի, Հայաստանի Հանրապետությունը վերջին տարիներին ակնառու նեգատիվ հաջողություններ է գրանցել քաղաքապետարկյալների, ապօրինի կալանավորումների, քաղաքական հաշվեհարդար տեսնելու նպատակով տարբեր քրեաիրավական ճնշումների, այդ թվում նաեւ իմ նկատմամբ եւ վերջերս ավելի ակնառու Սամվել Կարապետյանի նկատմամբ հետապնդում սկսելով: Այդ կոնտեքստում ես տեսնում եմ, որ իշխանությունները պիտի հասկանան, որ բռնաճնշումները ամենալավ ու ամենաճիշտ ճանապարհը չեն իրենց հետընթացքը ճիշտ կազմակերպելու համար, որովհետեւ, այսպես թե այնպես, իրենք գնալու են եւ ճիշտ կլինի՝ իրենք գնան օրինական ճանապարհով եւ ոչ թե ցասման, պայքարի, այլ մեթոդների ճանապարհով, որովհետեւ հասարակության մեջ օրըստօրե այդ շղարշը խորքային առումով, անարդարության զգացողությունը նստած է Հայաստանի Հանրապետության քաղաքացիների գերակշիռ մասի մոտ, իսկ մեր ժողովուրդը կարող է հացի համար չկռվել, ջրի համար չպայքարել, բայց հանուն արդարության, անարդարության դեմ կարող է բողոքել, եւ մենք բազմիցս տեսել ենք ի թիվս այլ անարդարություններ: Պետք է նշեմ նաեւ, որ մեր նկատմամբ լայն կիրառվում է պատմական անարդարության սերմանումը, որը ամեն օր տարբեր ձեւախեղումներ է ընդունում: Կարծում եմ, ամեն ինչ պետք է ունենա իր բավարար չափն ու սահմանը, անգամ, նեգատիվը:

-Ուղղիմությունը նշում է, որ այսօր Հայաստանում կան 50-ից ավելի քաղաքապետարկյալներ, մինչդեռ ՀՀ արդարա-



դատության նախարար Սիրուհի Գալյանը վերջերս նշեց, որ ՀՀ-ում քաղաքապետարկյալ չկա: Ձեր գնահատականը: -Որեւէ դիկտատուրական երկրում որեւէ պետական պաշտոնյա, եթե ընդունի, որ իր երկրում կան քաղաքապետարկյալներ, հետեւաբար, ինքը պիտի մուտք չունենա

որեւէ միջազգային կառույց, որեւէ մարդու իրավունքների պաշտպանության ֆորում, եվրոպական միություն: Հետեւաբար, ամեն ինչ պետք է անել, որ այդ շղարշը ցրեն՝ ամենքին մի պիտակ կպցնելով:

Ջրուցեց ՆԱՆԿ ԿՐԱՍՅԱՆԸ



ԶՊ-ԻՑ ՀԵՌԱՑԱԾԸ



Աժ «Քաղաքացիական պայմանագիր» խմբակցության պատգամավոր Վլադիմիր Վարդանյանը ՀՀ Նախագահի կողմից առաջադրվել է ՍԴ դատավորի պաշտոնում: Նրան ընտրելու է Ազգային ժողովը: Սա հիշեցնում է այն դրվագը, երբ Սերժ Սարգսյանի իշխանության օրոք մեկ այլ կուսակցական՝ Հրայր Թովմասյանը, վայր դրեց կուսակցական անդամատման ու դարձավ ՍԴ դատավոր, ապա բարձր դատարանի նախագահ: Factor.am-ն այս առնչությամբ փորձեց հարցեր ուղղել ԶՊ-ից դուրս գալու մասին հայտարարած Վլադիմիր Վարդանյանին՝ արդյո՞ք իր անաչառությունը կասկածի տակ չի դրվի: «Քանի որ ես անցումային կարգավիճակում եմ, ամենայն հարգանքով, բայց որեւէ բան չմեկնաբանեմ», - ասաց Վլադիմիր Վարդանյանը: Տարբեր տեղեկություններով՝ Վլադիմիր Վարդանյանն ու ՍԴ Նախագահ Արման Դիլանյանը քվորսանիկական կապեր ունեն: Փորձեցինք ճշտել այս տեղեկության իսկությունը եւ մեկնաբանություն խնդրել՝ արդյո՞ք ընտրվելու դեպքում սա կաշկանդող հանգամանք չի լինելու: «Չեմ պատասխանի, անցումային կարգավիճակում եմ», - կրկնեց նա: Դիտարկյալները, որ չի հերքում քվոր-սանիկական կապերի մասին տեղեկությունը, Վարդանյանն ասաց. «Ես պարոն Դիլանյանին ճանաչում եմ բավականին երկար, բայց, ինչպես եմ, այս փուլում մեկնաբանություն չեմ տալիս»:

ԶՊ-Ն ԸՆՏՐՈՒԹՅՈՒՆՆԵՐԻ Է ԳՆՈՒՄ

Քաղաքականության մեջ երբեմն զարգացումները այնքան արագ են փոխվում, որ երեկվա կոես հակամարտությունները մեկ օրում կարող են վերածվել ժողիցների եւ համասեղ դարերի:

Հենց նման պատկեր է այսօր իշխող թիմում Աժ «Քաղաքացիական պայմանագիր» խմբակցության պատգամավոր Արփի Դավոյանի եւ Երեւանի քաղաքապետ Տիգրան Ավինյանի հարաբերություններում: Հիշեցնենք, որ դեռ 2025 թվականի հունիսին «Ժողովուրդ» օրաթերթը գրել էր, որ Դավոյանը փորձել էր սեւացնել Ավինյանին՝ նրան մեղադրելով կոռուպցիոն պատմությունների մեջ: Փաշինյանը, սակայն, պահանջել էր օրում մեղադրանքներ չհնչեցնել եւ ներկայացնել կոնկրետ փաստեր: Արփի Դավոյանը որոշակի գեկույց էր ներկայացրել Ավինյանի դեմ, սակայն դրանից հետո հայտնվել էր իշխանական թիմի «սեւ ցուցակում»:

Ավինյանն իր հերթին չափազանց կոշտ էր արձագանքել՝ Դավոյանին մեղադրելով անհիմն զրպարտության եւ սուտ տեղեկություններ տարածելու մեջ: Ավելին՝ անգամ լուրեր տարածվեցին, որ սպառնալից հաղորդագրություն էր ուղարկել, որտեղ



հնչել էր կոշտ ձեւակերպում. «Ոչնչացնելու եմ քեզ...»:

Իրավիճակը բարկացրել էր նաեւ վարչապետ Նիկոլ Փաշինյանին: Բայց քաղաքականությունը, ինչպես երեւում է, ոչ միայն հակամարտությունների, այլեւ արագ հաշտությունների աշխարհ է: Նախօրեին համացանցում հայտնված

տեսանյութը դրա մասին էր: ԶՊ անդամները «ուրախ ավտոբուսի մեջ» պարում են, եւ կարդերում կողք կողքի երեւում են ոխերիմ թշնամիներ Ավինյանն ու Դավոյանը: Նրանք ժպտում են, պարում եւ միասին ուրախանում: Այսպիսով, զագրելի կոռուպցիայի եւ զրպարտության էջը փակված է:

ԻՐԱՆՈՒՄ 202 ԵՐԵՒԱ Է ՄԱՐԱՑԵԼ

Իրանի առողջապահության նախարարության տվյալներով՝ ամերիկա-իսրայելական հարձակումների հետեւանքով Իրանում զոհվել է առնվազն 202 երեխա, որոնցից 12-ը՝ հինգ տարեկանից ցածր: Չոհվել է նաեւ 223 կին, նրանցից երեքը հղի են եղել: Բացի այդ, ԱՄՆ-ի եւ Իսրայելի հասցրած հարվածների հետեւանքով երկրում վնասվել է առնվազն 153 առողջապահական հաստատություն, որոնցից 56-ը առողջապահական համալիր ծառայությունների կենտրոններ են, հայտնում է Tasnim լրատվական գործակալությունը: Բժշկական համալսարանները նույնպես տուժել են: «Քերմանշահի համալսարանն ամենաշատ վնաս է կրել՝ 42 վնասված մասնաշենքով, որին հաջորդում է Սպահանը՝ 19 մասնաշենքով», - նշում է գործակալությունը: «Ցավոք, այս միջադեպերի հետեւանքով զոհվել է 10 մարդ, իսկ 248 մարդ բուժօգնություն է ստացել եւ դուրս է գրվել», - հաղորդում է Tasnim-ը:

ՀԱՐՑԵՐ

ՄԵԿ ՏԱՐՎԱ ԼՈՒՌԹՅՈՒՆ ԱՐՓԻ ԴԱՎՈՅԱՆԻ ԳՈՐԾՈՎ

3 ԿԱՆԱՆՑՈՎ ՓՈՐՉԵԼ Է ՓՐԿԵԼ ԱՄՈՒՄՆՈՒՆ

ArmLur.am-ը Սեյրան Օհանյանի կնոջից՝ Ռուզաննա Խաչատրյանից հետաքրքրվեց, թե վերջինս ինչպես է փորձել փրկել իր եւ ամուսնու ունեցվածքը: Մեղադրանքը նրա նկատմամբ հիմա հենց այդ հոդվածով է, որ նա ամուսնու ունեցվածքն է փորձել փրկել 3 կանանցով:

Սեյրան Օհանյանի կնոջ՝ Ռուզաննա Խաչատրյանին, մեղադրանք է առաջադրվել այն բանի համար, որ նա 2021 թվականի դեկտեմբերի 13-ից 2022 թվականի հունիսի 23-ն ընկած ժամանակահատվածում կազմակերպել է ղեկավարել է Աննա Բաղայանի եւ Կարինե Մարգարյանի կողմից քաղաքացիական գործով ապացույցներ կեղծելը, կազմակերպել է ղեկավարել է Աննա Բաղայանի կողմից քաղաքացիական գործով արգելանքի տակ գտնվող գույքերի նկատմամբ ապօրինի գործողությունների կատարումը, որը դրսևտրվել է այդ գույքերն ապօրինի օտարելով, ինչպես նաեւ, 2022 թվականից մինչեւ 2024 թվականն ընկած ժամանակահատվածում, հանդիսանալով Հայաստանի Հանրապետության օրենսդրությանը սահմանված հայտարարագիր ներկայացնելու պարտականություն ունեցող անձ, իր կողմից ներկայացված հայտարարագրերում թաքցրել է հայտարարագրման ենթակա թվով 2 անշարժ գույքերի վերաբերյալ տվյալները, որը հանգեցրել է առանձնապես խոշոր չափերով գույքերի չհայտարարագրմանը:

Աննա Տիգրանի Բաղայանին մեղադրանք է առաջադրվել այն բանի համար, որ նա 2021 թվականի դեկտեմբերի 13-ից 2022 թվականի հունիսի 23-ն ընկած ժամանակահատվածում մորաքրոջ՝ Ռուզաննա Խաչատրյանի կազմակերպմամբ եւ ղեկավարմամբ Կարինե Մարգարյանի հետ համակատարմամբ քաղաքացիական գործով կեղծել են ապացույցներ, ինչպես նաեւ Ռուզաննա Խաչատրյանի կազմակերպմամբ եւ ղեկավարմամբ, Կարինե Մարգարյանի օժանդակությամբ քաղաքացիական գործով արգելանքի տակ գտնվող գույքերի նկատմամբ կատարել է ապօրինի գործողություններ, որը դրսևտրվել է այդ գույքերն ապօրինի օտարելով:

Կարինե Հովսեփի Մարգարյանին մեղադրանք է առաջադրվել այն բանի համար, որ նա 2021 թվականի դեկտեմբերի 13-ից 2022 թվականի հունիսի 23-ն ընկած ժամանակահատվածում Ռուզաննա Խաչատրյանի կազմակերպմամբ եւ ղեկավարմամբ Աննա Բաղայանի հետ համակատարմամբ քաղաքացիական գործով կեղծել են ապացույցներ, ինչպես նաեւ Ռուզաննա Խաչատրյանի կազմակերպմամբ եւ ղեկավարմամբ օժանդակել է Աննա Բաղայանի կողմից քաղաքացիական գործով արգելանքի տակ գտնվող գույքերի նկատմամբ ապօրինի գործողություններ կատարելուն, որը դրսևտրվել է այդ գույքերն ապօրինի իրեն օտարելով:

Սակայն Ռուզաննա Խաչատրյանը հերքեց մեղադրանքը ծայրից ծայր՝ ասելով, որ սարքած է:

Արդեն մեկ ամիս է՝ «Ժողովուրդ» օրաթերթը հետադարձադատվել է փորձում է հասկանալ, թե ինչ փուլում է գտնվում Աժ «Քաղաքացիական դատարանագիր» խմբակցության դատաբանները Արփի Դավոյանի հետ առնչվող քրեական վարույթը, որը 2023-ից ֆինվում է: Մակայն ստացվող դատաբանական դատաստանները ոչ թե դարձաբանում են իրավիճակը, այլ ավելի շատ հարցեր են առաջացնում:

Հիշեցնենք, որ «Ժողովուրդ» օրաթերթը գրել էր, որ 2018 թվականին ՀՀ ՊԵԿ քննչական վարչությունում քննվել է մի գործ, որով անցել է Արփի Դավոյանը: Նախնական տեղեկություններով՝ նա ՍՊԸ-ներ է հիմնադրել, ինչ որ ներկրումներ արել, ապա խաբել պետությանը: Նա 2018 թվականի ապրիլից հետո ՊԵԿ քննչականում անգամ հարցաքննվել է: «Ժողովուրդ» օրաթերթի վերջին հարցմանն ի պատասխան՝ ՀՀ գլխավոր դատախազությունը տեղեկացրել է, թե արդեն իսկ նույնարվանդակ հարցման պատասխան տրվել է նախկինում:

«Ժողովուրդ» օրաթերթը ուսումնասիրեց ստացած բոլոր պաշտոնական գրությունները եւ պարզեց, որ խոսքը մոտ մեկ տարի առաջ տրված նույն պատասխանին է վերաբերում, որի բովանդակությունը բառացիորեն հետեւյալն էր. «ՀՀ քննչական կոմիտեի տնտեսական հանցագործությունների եւ մաքսանենգությունների քննության գլխավոր վարչությունում քննվող քրեական վարույթի շրջանակում քաղաքացի Արփի Դավոյանը հարցաքննվել է որպես վկա եւ այլ դատավարական կարգավիճակ չի ունեցել: Քրեա-



կան վարույթով նախաքննությունը շարունակվում է»:

Սա նշանակում է, որ մեկ ամբողջ տարվա ընթացքում գործի ընթացքի վերաբերյալ որեւէ նոր տեղեկություն չի ներկայացվում, եւ փաստացի նույն ձեւակերպումը շարունակվում է կիրառվել այսօր էլ: Մինչ այժմ հանրությանը չի ներկայացվել որեւէ տեսանելի առաջընթաց. Արփի Դավոյանն ի վերջո ինչ է արել, ինչպես է խաբել պետությանը, խաբել է, թե չի խաբել: Գործով ոչ նոր մեղադրյալներ կան, ոչ նոր դատավարական կարգավիճակներ ունեն մարդիկ, ոչ էլ ավարտական որոշում կա: Միայն նույն ձեւակերպումը՝ «նախաքննությունը շարունակվում է»:

Եւ այս առումով ուշագրավ է համադրել հանրային փաստերը քրեական վարույթի հետ: Մասնավորապես, վերջին ամիսներին Աժ նիստերի ժամանակ պատգամավոր Արփի Դավոյանը հաճախ է հրապարակային կերպով գովաբանում ՀՀ գլխավոր դատախազ Աննա Վարդապետյանին: Միաժամանակ նա ունի ջերմ հարաբերություններ ՀՀ ԱԾ տնօրեն Անդրանիկ Սիմոնյանի հետ: Ուստի դժվար չէ կռահել, թե ինչու վարույթը, 2023-ից սկսած, տեղից չի շարժվում: Ի վերջո, խոսքը շարքային քաղաքացու մասին չէ, այլ իշխանական խմբակցության գործող պատգամավորի, որը փաստացի հովանավորվում է ուժայինների կողմից:

ՕՐՎԱ ԽՃԱՆԿԱՐ

ՊԱՐԱՆՁԵՑ ՈՒ ՎԵՌԱՑԱՎ



Ն. Ս. Օ. Տ. Տ. Գարեգին Երկրորդ Ամենայն Հայոց Կաթողիկոսի՝ մարտ 16, 2026 թվակիր Հայրապետական տնօրինությանը Վայոց Ձորի թեմի առաջնորդ Գերաշնորհ Տ. Արքահամ արքեպիսկոպոս Սկրտչյանը ազատ է կացուցվել թեմակալ առաջնորդի պաշտոնից եւ կոչվել հանգստյան՝ իր գրավոր եւ բանավոր դիմումների հիման վրա: Հայրապետական

տնօրինությանը Սյունյաց թեմի առաջնորդ Գերաշնորհ Տ. Սակար եպիսկոպոս Հակոբյանը համատեղության կարգով նշանակվել է Վայոց Ձորի թեմի առաջնորդական տեղապահ՝ իրականացնելու թեմակալ առաջնորդի պարտականությունները: Հիշեցնենք, որ Գերազույն հոգեւոր խորհրդի կազմից հեռացված Տեր Արքահամ արքեպիսկոպոս Սկրտչյանը, Տեր Վազգեն արքեպիսկոպոս Սիրախանյանը եւ Տեր Գեորգ եպիսկոպոս Սարոյանը այն 10 բարձրաստիճան հոգեւորականների թվում են, որոնք պահանջում են Ամենայն հայոց կաթողիկոսի հրաժարականը: Դեկտեմբերի 18-ին բարձրաստիճան 10 հոգեւորականները Ամենայն Հայոց կաթողիկոսի հրաժարականի պահանջով նամակը փոխանցել են Մայր Աթոռի քարտուղարությանը:

ՎԱՐՈՒՅԹ՝ «ՄԵՐ ԶԵՎՈՎ»-ԻՆ ԸՆՏՐԵԼՈՒ ՀԱՄԱՐ

ՀՀ քննչական կոմիտեի Լոռու մարզային քննչական վարչությունում քննվում է ամուսինների կողմից բռնություն գործադրելու սպառնալիքով անձի ընտրական իրավունքի ազատ իրականացմանը խոչընդոտելու դեպքի առթիվ նախաձեռնված քրեական վարույթը: Նախաքննության ընթացքում պարզվել է, որ 2026 թվականի մարտի 9-ին «Գազպրոմ Արմենիա» ՓԲԸ-ի աշխատակից Վ.Վ.-ն եւ նրա կինը՝ Վ.Դ.-ն, ժամանելով Ա.Հ.-ի բնակարան, վերջինիս ընտ-

րական իրավունքի ազատ իրականացմանը խոչընդոտելու նախնական եւ միասնական դիտավորությամբ, հիշյալ տան բակում՝ աստիճանների վրա առաջացած խոսակցության ժամանակ, խմբի կազմում փոխարկանելով միմյանց գործողությունները, Ա.Հ.-ի նկատմամբ բռնություն գործադրելու եւ գույքը վնասելու, ոչնչացնելու սպառնալիքներ հնչեցնելով, հարկադրել են անձնագրով ժամանել Տաշիր համայնքում գործող «Մեր ձեռով» կուսակցության գրասենյակ, հաշվառվել որպես նշված կուսակցության անդամ, իսկ առաջիկա՝ 2026 թվականի հունիսի 7-ին կայանալիք Ազգային ժողովի հերթական ընտրությունների ընտրել իրենց թեկնածուին, հակառակ պարագայում սպառնացել են պայթեցնել նրա բնակարանն այնպես, որ այդ ամենը ներկայացվի որպես դժբախտ պատահար: Վ.Վ.-ի եւ Վ.Դ.-ի նկատմամբ հարուցվել է հանրային քրեական հետապնդում՝ քրեական օրենսգրքի 210-րդ հոդվածի 3-րդ մասի 1-ին կետով (ընտրական կամ հանրաքվեի մասնակցելու իրավունքի իրականացումը, ընտրական հանձնաժողովների աշխատանքների կամ ընտրությանը կամ հանրաքվեի մասնակցող անձանց իրավունքների կամ պարտականությունների իրականացումը խոչընդոտելը): Ամուսնու նկատմամբ որպես խափանման միջոց կիրառվել է կալանքը, իսկ կնոջ նկատմամբ՝ բացակայելու արգելքը, գրավը եւ վարչական հսկողությունը: Քրեական վարույթի նախաքննությունը շարունակվում է:

ԲՅՈՒՋԵ


ԵՐԵՎԱՆԻ ԲԱՂԱՔԱՊԵՏԱՐԱՆԻ ԹԵՐԱԾԱԽՄՆ ՈՒ ՊԱՐԳԵՎԱՎՃԱՐՆԵՐԸ

«ԼՈՒՅՍ» հիմնադրամը վերածել է Երևանի քաղաքի 2025թ. բյուջեի կառուցական հաշվետվությունը:

Այսպես, բյուջեի ընդհանուր եկամուտների փաստացի մեծությունը՝ 148.5 մլրդ դրամ, 27.2%-ով գերազանցում է նախորդ տարվա ցուցանիշին, սակայն 6.8%-ով պակաս է հաստատված բյուջեով պլանավորված ցուցանիշից: Աճն ապահովվել է «հարկերի և տուրքերի» և «այլ եկամուտների» հաշվին: Երեւան քաղաքի բյուջեի եկամուտների հավաքագրմանը զգալիորեն նպաստել են մի քանի օրենսդրական հանրությանը ոչ հաճո փոփոխություններ: Մասնավորապես, հարկերի և տուրքերի աճը հիմնականում պայմանավորված է գույքահարկի բազայի նախորդ տարվա համեմատ 50%-ով բարձրացմամբ, 2025 թվականի ընթացքում ավարտական ակտ չունեցող բազմաբնակարան և այլ շենքերը որպես մեկ միավոր ավարտված շինություն դիտարկելու հետեւանքով հաշվարկված անշարժ գույքի հարկի վճարումներով, տարվա ընթացքում առաջացած նոր գույքային միավորների համար անշարժ գույքի հարկի վճարումներով, ինչպես նաեւ շինարարության տուրքերի ավելացմամբ՝ պայմանավորված շինարարական աշխատանքների ծավալի ավելացմամբ: Այլ գույքային հարկերի ավելացումը պայմանավորված է փոխադրամիջոցների քանակի ավելացմամբ: Իսկ այլ եկամուտներում վարչական գանձումների հիմնական մասը կազմող տեղական վճարների գծով փաստացի եկամուտների աճը հիմնականում ապահովվել է ի հաշիվ բնակելի նշանակության շինությունների համար աղբահանության վճարների հաշվարկման մեթոդաբանության փոփոխման:

Ավտոկայանատեղիում կայանման համար գանձված վճարները, ընդհանրապես, 2024-ի համեմատ նվազել են 8.4%-ով: Չնայած 2024-ի հունվարի 1-ից ավտոկայանման վճարները 2-ից 13.3 անգամ աճել են, դրանց դիմաց 2025-ի փաստացի հավաքագրումները 2023-ի ցուցանիշից ընդամենը 62.7%-ով են ավելի: Նկատի ունենալով, որ հիշյալ ժամանակահատվածում փողոցային ավտոկայանատեղիների շրջափելի բեռնաթափում չի արձանագրվել, դժվար է հավատալ, որ ավտոկայանման վճարների հավաքագրման այդպիսի համեմատաբար «համեստ» աճի հիմնական պատճառը կայանվող ավտոմեքենաների թվի կրճատումն է:

Երեւան քաղաքի 2025թ. բյուջեի ծախսերը՝ 140.8 մլրդ դրամ, թերակատարվել են ինչպես հաստատված, այնպես էլ ճշտված պլանի նկատմամբ: Թերակատարումը վերաբերում է թե՛ ընթացիկ և թե՛ կապիտալ ծախսերին: Տոկոսային արտահայտությամբ կապիտալ ծախսերի գծով թերակատարումն ավելի քան 4.5 անգամ գերազանցում է ընթացիկ ծախսերի թերակատարմանը: Ծախսերի կազմում առանձնակի ուշադրություն է գրավում պարզեցումները, դրամական խրախուսումների և հատուկ վճարների նպատակով կատարված ծախսերը, որոնք վերջին երեք տարիների ընթացքում ավելի քան տասնապատկվել են և 2025-ին կազմել 2.8 մլրդ դրամ: Ընդ որում, դրանց փաստացի մեծությունը հաշվետու տարում 3.4 անգամ գերազանցել է հաստատված բյուջեով պլանավորված ցուցանիշին: Գործառնական դասակարգմամբ բոլոր



ծախսային ուղղությունների գծով առկա է ճշտված պլանի նկատմամբ թերակատարում: Արձանագրված զգալի թերակատարումները եւս մեկ անգամ ապացուցում են, որ բյուջետային պլանավորումը շարունակում է մնալ քաղաքային իշխանությունների ամենաթույլ կողմերից մեկը: Կենսական կարեւորություն ունեցող ծրագրերից շատերի գծով հաստատված բյուջեով նախատեսված ծախսերի նույնիսկ կեսը չի կատարվել: Այդպիսի ծրագրերից կարելի է առանձնացնել «Կամրջային կառուցվածքների վերականգնում և պահպանում», «Մայրուղիների և փողոցների վերակառուցում և հիմնանորոգում», «Տրանսպորտային համակարգի արդիականացում», «Երեւանի քաղաքային լուսավորության ծրագիրը», Երեւանի էներգաարդյունավետության բարձրացման ուղղված երեք ծրագրերը և այլն: Խիստ մտահոգիչ է պատկերը հանրային մեծ հնչեղություն ունեցող որոշ ծրագրերի գծով: Հատկանշական է, որ «Երեւանի մետրոպոլիտենի ենթակառուցվածքների կառուցում» ծրագրի շրջանակներում «Աջափնյակ» կայարանի կառուցման համար 2025-ի բյուջեով հատկացված 9.6 մլրդ դրամը ճշտված պլանով ավելի քան 7 անգամ նվազեցվել է, սակայն, նույնիսկ այդ պարագայում, կատարողականը կազմել է ընդամենը 56.2%: Ընդ որում, փաստացի կատարված 0.8 մլրդ դրամի ծախսերն ամբողջությամբ վերաբերում են միայն նախագծանախաշվային փաստաթղթերի դիմաց վճարմանը, որը դեռեւս 2024-ի բյուջեով էր նախատեսված: Չնայած «Պետական աջակցությամբ իրականացվող նախադպրոցական ուսումնական հաստատությունների կառուցում և հիմնանորոգում (պատվիրակ-

ված լիազորություններ)» ծրագրի իրականացման ծախսերի համար հաստատված պլանով նախատեսված 3.0 մլրդ դրամը ճշտված պլանով քառակի նվազեցվել է, այնուամենայնիվ, նույնիսկ այդ նվազեցված պլանը թերակատարվել է՝ այն պարագայում, երբ գործող կառավարության գործունեության ծրագրի կարեւորագույն թիրախներից մեկը 300 դպրոցների և 500 մանկապարտեզների կառուցումն ու հիմնանորոգումն է: 2025-ին Երեւան քաղաքի բյուջեն փաստացի հավելուրդ է ունեցել՝ 7.7 մլրդ դրամ ճշտված պլանով նախատեսված 8.7 մլրդ դրամ պակասուրդի դիմաց: Ընդ որում, բյուջեի պակասուրդը հաստատված պլանով ծրագրված մեծության համեմատ ճշտված պլանով 100-պատիկ ավելացվել է, սակայն պակասուրդի փոխարեն փաստացի արձանագրվել է դրան մոտավորապես համարելի հավելուրդ: Թե՛ և հաշվետվության սկզբնաձևում փորձ է արված բյուջեի ցածր կատարողականին տալ հնարավորինս նպաստավոր բացատրություն՝ «նախատեսված և փաստացի ծախսված գումարների շեղումները հիմնականում պայմանավորված են գնումների գործընթացում առաջացած խնայողություններով և պայմանագրային պարտավորությունների անցումներով», սակայն նույն հաշվետվության տեքստում, հաջորդիվ նշված է, որ «ծրագրված և փաստացի ցուցանիշների շեղումները հիմնականում պայմանավորված են Երեւանի քաղաքապետին պատվիրակված լիազորությունների շրջանակներում իրականացվող ծրագրերի ամբողջական կամ մասամբ չկատարմամբ»: Վերջինս խոսում է քաղաքային իշխանության կառավարման ոչ բավարար մակարդակի մասին: Պատրաստեց ԱՆԻ ՎՈՐՈՆՅԱՆԸ

ԲԱՅԱՐԱՅՏՈՒՄ

ՌՈՒՄՈՆԻ ԿՆՈՋ ՄԵՔԵՆԱՆ

ArmLur.am-ը տեղեկացավ, որ իրավապահները հայազգի գործարար Ռուբեն Թաթույանի, որն ավելի հայտնի է որպես Ռոբսոն, կնոջ մեքենան առգրավել են ու տարել են հատուկ պահպանվող տարածք: shamshyan.com-ը հայտնել էր, որ Կոտայքի պարեկները հայտնաբերել ու հատուկ պահպանվող տարածք են տեղափոխել Ռուսաստանում և Զայաստանում հայտնի օլիգարխի ընտանիքին պատկանող կասկածելի «Mercedes»-ը: Տեղում պարզվում է, որ վարորդը հայկական վարորդական իրավունքի վկայական չունի, իսկ ավտոմեքենան գտնվել է հետախուզման մեջ, թե՛ վարորդը հայտնել է, որ այն այլեւս հետախուզման մեջ է: Գ. Շամշյանի տեղեկություններով՝ վարորդը Ռուսաստանում և Զայաստանում հայտնի հայ օլիգարխներից մեկի ազգականն է, իսկ այդ օլիգարխի նկատմամբ ժամանակին հետախուզում էր հայտարարվել Ռուսաստանի կողմից, և ՌԴ-ն պահանջում էր, որ Զայաստանը նրան արտահանձնի Ռուսաստանին, ինչը հայկական կողմը մերժել էր: Արդյունքում, ArmLur.am-ին հայտնի դարձավ, որ մեքենան, որը առգրավել են, հայազգի գործարար Ռոբսոնի կնոջ՝ Կարինե Թաթույանի մեքենան է եղել: Հայտնել էինք, որ 2025 թվականի նոյեմբերի 7-ին Զայաստանում ձերբակալվել էին հայտնի գործարար Ռոբսոնին՝ Ռուբեն Թաթույանին: ՆԳՆ-ից պաշտոնապես հայտնել էին, որ քրեական ոստիկանության ծառայողները նշված անձին հայտնաբերել են ձերբակալել են: Նրա հայտնաբերման մասին տեղեկատվությունը պատշաճ կարգով փոխանցվել է դատախազությանն ու հետախուզումը նախաձեռնողին: Ավելի ուշ գործարարը ազատ էր արձակվել: Իսկ ով է հայտնի գործարար Ռուբեն Թաթույանը, որը առավել հայտնի է Ռոբսոն անունով: Նշենք, որ նա ՌԴ պետդոմայի պատգամավոր Ալեքսանդր Կարելինի օգնականն է և Սոչիում ըմբշամարտի ֆեդերացիայի նախագահը: Ռուսական առաջատար լրատվամիջոցները հայտնում են, որ Ռ. Թաթույանի գործունեության մասին վաղուց առասպելներ են պտտվում: Լուրեր են շրջանառվում, թե Սոչիում և ընդհանուր երկրամասում տեղի չի ունենում որեւէ բան, որը Ռոբսոնի սրտով չլինի. ոչ Սոչիի քաղաքապետը, ոչ էլ նույնիսկ երկրամասի ղեկավարը ոչինչ չեն կարող անել, եթե Թաթույանը դեմ լինի: «Նա Սոչիի՝ ստվերում գտնվող «տերը» չէ, նա պարզապես տերն է», - այսպես են արտահայտվում Թաթույանի մասին տեղացիները: Հայազգի գործարարն իր ուրույն դիրքով առանձնանում է Սոչիում հյուրանոցային բիզնեսում ներդրումներ կատարողների մեջ: Բացի «Գորուն» պանսիոնատից՝ Թաթույանի ընկերություններն են պատկանում մի քանի կոմերցիոն օբյեկտներ, որոնց ընդհանուր մակերեսը հասնում է 70 հազար քառ. մ-ի: Դրանցից ստացած տարեկան եկամուտը հասնում է 850-900 մլն ռուբլու: Թաթույանը Սոչիում 7000 քառ. մ մակերեսով առետրի կենտրոն ունի, որը կոչվում է «Թաթույան»:

ՔՆԱՐ ՄԱՆՈՒԿՅԱՆ

● Մարտի 9-ից 15-ը ՆԳՆ 112 օպերատիվ կառավարման կենտրոնում գրանցվել է 644 դեպք, որից 214-ը՝ արտակարգ:

ՀԱՍԱՐԱԿՈՒԹՅՈՒՆ

ԼՈՒՐԵՐ

ԲՈՂՈՔԻ ԱԿՑԻԱՆԵՐ

ArmLur.am-ին հասած տեղեկությունների համաձայն՝ մոտ ժամանակներս արցախցիները պատրաստվում են բողոքի ակցիաներ իրականացնել: Մեզ հայտնում են, որ մի քանի օր է՝ Արցախի տարբեր հասարակական կազմակերպության ներկայացուցիչներ հանդիպում-քննարկումներ են ունենում հասկանալու, թե երբ եւ ինչպես են սկսելու նոր շարժումը:

Մեզ հայտնի դարձավ, որ նրանք ցանկանում են ձեռավորել մի օրակարգ, որը կվերակենդանացնի Արցախյան շարժումը: Շարժմանը ներգրավված են լինելու նոր ուժեր, որոնք էլ նոր մոտեցումներով կկազմակերպեն շարժումը: «Սա լինելու է ռեստարտը Արցախյան շարժման: Վերջին ժամանակահատվածում հաճախ ենք քննարկում ինչ անել, հատկապես Հայաստանի գործող իշխանության՝ Արցախի վերաբերյալ վերջին հայտարարությունից հետո: Նրանց ցավալի տեղը հանրային ճնշումն է: Մենք էլ այդ կերպ ենք պատրաստվում խոսել նրանց հետ»,- ArmLur.am-ին փոխանցեցին արցախցիները:

Արցախի հասարակական կազմակերպություններից մեզ փոխանցեցին, որ առայժմ քննարկումներ են, հստակ որոշում կայացնելու դեպքում հանդես են գալու համատեղ հայտարարությամբ:

ՆԱՆԻԿ ԱՐԱՍՅԱՆ

ԶՐՈՒՅՅԸ ԸՆԴՀԱՏՎԵԼ Է

Ռուբեն Վարդանյանի ընտանիքը հայտարարություն է տարածել. «Մարտի 13-ին ընտանիքի հետ հեռախոսագրույցի ժամանակ Ռուբեն Վարդանյանը փորձել է հրապարակային կոչով դիմել Ադրբեյջանի օմբուդսմեն Սաբինա Ալիեային, բայց հեռախոսագրույցը հարկադրաբար ընդհատվել է: Ռուբեն Վարդանյանը ստիպված է եղել դիմել այս քայլին, քանի որ նախորդ 10 օրերին օմբուդսմենի հետ փաստաբանի միջոցով, գրավոր դիմումներով եւ հեռախոսազանգերով կապ հաստատելու փորձերը որեւէ արդյունք չեն տվել: Դատավարություններն ավարտվել են մեկ ամիս առաջ, սակայն ո՛չ Ռուբենը, ո՛չ էլ, մեր տեղեկություններով, մյուս հայ բանտարկյալներն իրենց պաշտոնական դատավճիռների տեքստերը որեւէ լեզվով չուներեն, հայերեն կամ արդբեյջաներեն, դեռ չեն ստացել: Նրանք չգիտեն, թե ինչ հողվածներով են դատապարտվել, երբ կամ ուր են նրանց տեղափոխելու: Մենք խորապես մտահոգված ենք ստեղծված իրավիճակով: Նրա եւ մյուս հայ գերիների կացության մասին արժանահավատ տեղեկությունների բացակայությունը եւ Ադրբեյջանում մարդու իրավունքների անկախ մեխանիզմների վերացումը, այդ թվում՝ երկրից Կարմիր խաչի միջազգային կոմիտեի հեռացումը, բոլոր գերիներին զրկում են ինստիտուցիոնալ որեւէ պաշտպանությունից: Մենք նաեւ մտավախություն ունենք, որ նույնիսկ կարճ հեռախոսազրույցները՝ կապի պահպանված միակ միջոցը, կարող են դադարեցվել: Մենք հրապարակում ենք Ադրբեյջանի օմբուդսմեն Սաբինա Ալիեային ուղղված Ռուբենի դիմումի աուդիոձայնագրությունը, որը նրան թույլ չեն տվել ավարտել: Հուսով ենք՝ այն կհասնի հասցեատիրոջը»:

ՀԱՅՏԱՐԱՐԱԳԻՐ

Ս. ԿԱՐԱՊԵՏՅԱՆԻ ՏՆԱՅԻՆ ԿԱԼԱՆՔԸ ԵՐԿԱՐԱԶԳԱԾ ԴԱՏԱՎՈՐԻ ՈՒՆԵՑՎԱԾՔԸ

Սամվել Կարադեյանի ճնային կալանքը երկարաձգած Հակակոռուպցիոն դատարանի 32-ամյա դատավոր Վարդգես Ստեփանյանը բավական հեստիքի գույքային սվյալներ է ներկայացրել իր հայտարարությամբ: ArmLur.am-ը ուսումնասիրեց նրա գույքի, եկամուսների եւ ֆինանսական դատարանությունների սվյալները եւ դարձեց, թե ինչ ունեցվածք ունի Կարադեյանի գործով որոշում կայացրած երիտասարդ դատավորը:

Վարդգես Ստեփանյանը դատավոր է նշանակվել 2023 թվականի նոյեմբերի 20-ին եւ պաշտոնավարում է Հակակոռուպցիոն դատարանում:

ArmLur.am-ի ուսումնասիրությունից պարզ դարձավ, որ դատավորը ունի 2 բնակարան Երեւանում, մի քանի բանկային հաշիվներում գումարներ, ինչպես նաեւ հիփոթեքային վարկային պարտավորություն:

2 միավոր անշարժ գույք

Ստեփանյանը հայտարարագրել է 2 միավոր անշարժ գույք Երեւան քաղաքում, որոնք ներկայացված են որպես 90 եւ ավելի օր փաստացի տիրապետվող անշարժ գույք:

Հանձնված եւ վերադարձված փոխառություններ

- 4,424,000 դրամ - Մետրում Ինվեստ
- 34,334,000 դրամ - Մետրում Ինվեստ

Բանկային հաշիվների մնացորդներ

- 13,885 դրամ
- 144,710 դրամ
- 5,361,828 դրամ

Կանխիկ դրամ

- Տարվա սկզբին՝ 190,000 դրամ
- Տարվա վերջում՝ 0 դրամ

Հաշվետու տարվա եկամուտներ

- Այլ եկամուտ - Արդշինբանկ 127,011 դրամ
- Այլ եկամուտ - ՀՀ բարձրագույն դատական խորհրդի աշխատակազմ դատական դեպարտամենտ 300,000 դրամ



- Քաղաքացիաիրավական պայմանագրից եկամուտ - Արդարադատության ակադեմիա 19,500 դրամ
 - Աշխատավարձ - ՀՀ բարձրագույն դատական խորհրդի աշխատակազմ դատական դեպարտամենտ 14,454,266 դրամ
 - Ստացված փոխառություն - Ամերիաբանկ 34,334,000 դրամ
 - Ընդհանուր գումար
 - 49,234,777 դրամ
 - 34,334,000 դրամ վարկային պարտավորություն
- Վարկային պարտավորությունների մասով Վարդգես Ստեփանյանը հայտարարագրել է 34,334,000 դրամ փոխառության մնացորդ, որի տոկոսադրույքը կազմում է 13%: Նշված վարկը հիփոթեքային է, իսկ հիփոթեքի առարկան բնակարան է,

Քանաքեռ-Զեյթուն վարչական շրջանի Ռուբինյանց փողոցում: Հիշեցնենք, որ Սամվել Կարապետյանի նկատմամբ դատարանը խափանման միջոց էր կիրառել տնային կալանքը, որը դատարանի որոշմամբ երկարաձգվել է: Կարապետյանը կալանավորվել էր հունիսի 18-ին: Նրա նկատմամբ քրեական վարույթ է հարուցվել ՀՀ քրեական օրենսգրքի 472-րդ հոդվածի 3-րդ մասի 1-ին կետով՝ իշխանությունը զավթելու հրապարակային կոչերի հատկանիշներով: Ըստ քննչական կոմիտեի հաղորդագրության՝ գործարարը զանգվածային լրատվամիջոցի միջոցով տված հարցազրույցում հնչեցրել է կոչեր, որոնք ուղղված են եղել իշխանությունը զավթելուն: Հավելենք, որ Սամվել Կարապետյանը չի ընդունում մեղադրանքը:

ՍՈՆԱ ԳՐԻԳՈՐՅԱՆ

ԹՈՐՈՍՅԱՆԻ «ՄԵԳԱՆԱԽԱՐԱՐՈՒԹՅԱՆ» ՆԱԽԱԳԻԾԸ ՍԵՂԱՆԻՆ

«Ժողովուրդ» օրաթերթի իշխանական աղբյուրների փոխանցմամբ՝ իշխանության ներսում ակտիվ ֆնանսավորում է առողջապահության եւ սոցիալական ոլորտների կառավարման նոր մոդելի ներդրումը, որի օրհանգում դեռ է միավորվել առողջապահության եւ աշխատանքի ու սոցիալական հարցերի նախարարությունները:

Կառավարությունից «Ժողովուրդ» օրաթերթին հասած տեղեկություններով՝ այդ նախաձեռնության հիմնական շահառուներից մեկը աշխատանքի եւ սոցիալական հարցերի նախարար, առողջապահության նախկին նախարար Արսեն Թորոսյանն է, որը ակտիվ աշխատում է, որպեսզի ընտրություններից հետո ձեռավորվելիք կառավարությունում հենց ինքը զբաղեցնի միավորված գերատեսչության ղեկավարի պաշտոնը:

Ըստ «Ժողովուրդ» օրաթերթի աղբյուրների՝ քննարկվող նախագծի վրա աշխատանքները արդեն բավական առաջ են գնացել եւ մտնում են վերջնական փուլ: Նախագծի հեղինակները պնդում են, որ սոցիալական քաղաքականությունն ու առողջապահությունը պետք է կառավարվեն մեկ կենտրոնից՝ համակարգը «ամբողջությամբ վերափոխելու» նպատակով: Սակայն կառավարության ներսում այս գաղափարը միանշանակ չի ընդունվում: Իշխանության ներսում արդեն նկատվում են դժգոհություններ Թորոսյանի ակտիվությունից եւ նախաձեռնությունների ձեւից:

Կառավարության ներսից «Ժողովուրդ» օրաթերթին փոխանցում են, որ որոշ պաշտոնյաներ այդ գործընթացը բնութագրում են որպես Թորոսյանի հերթական փորձ՝ վերահսկել առավել մեծ ոլորտ: Ու եթե այս սցենարը կյանքի կոչվի, ապա ներկայիս առողջապահության նախարար Անահիտ Ավանեսյանը կհեռանա պաշտոնից, նրան այլ պաշտոն կառաջարկվի: Իսկ նրա տեղակալ Լենա Նանուշյանը կմնա համակարգում, քանի որ Թորոսյանի մտերիմն է:

Հիշեցնենք, որ Արսեն Թորոսյանը առողջապահության նախարարի պաշտոնը զբաղեցրել է 2018-2021 թվականներին՝ հենց այն ժամանակահատվածում, երբ Հայաստանը, ինչպես ողջ աշխարհը, բախվեց կորոնավիրուսի համավարակին: COVID-19-ի ծանր հետեւանքների եւ մահացության բարձր ցուցանիշների ֆո-

նին հանրային դաշտում նրա գործունեությունը հաճախ խիստ քննադատության էր ենթարկվում, եւ քաղաքական ընդդիմախոսները նրան անգամ «մահվան նախարար» էին անվանում:

Բացի այդ, կորոնավիրուսի ժամանակաշրջանի որոշ պետական գնումների եւ որոշումների վերաբերյալ հարուցված քրեական գործերի մի մասը դեռեւս քննվում է իրավապահ մարմիններում: Տարբեր դրվագներով գործեր կան թե՛ դատարանում, թե՛ նախաքննության փուլում՝ Հակակոռուպցիոն կոմիտեում, որոնք առնչվում են Արսեն Թորոսյանին եւ իր ընկերներին: Բայց Արսեն Թորոսյանի կարգավիճակը մեղադրյալ չի դառնում: Այսինքն՝ Ֆեմիդան չի կարողանում արդեն գլուխ հանել՝ ինչպես վարվել. կոռուպցիոն խայտառակ պատմություններ ու փաստեր քննվեցին, բայց պատասխանատուների մասով կաղում է իրավապահ համակարգը: Ով մտնում է դատարան, հազնում է արդարության ու անմեղության շապիկը եւ փորձում արդարանալ: Ու թերեւս այդպես էլ կավարտվի Փաշինյանի իշխանության ամենախոշոր կոռուպցիոն քրեական վարույթներից մեկը:

● Հայաստանի Հանրապետությունում մարտի 9-ից 15-ը գրանցվել է ինքնասպանության փորձի՝ 12, կեղծ ահազանգի՝ 10 դեպք:

ՏՈՒՆՆԵՐ

ԼՈՒՐԵՐ

ԿՈՆՎԵՐՍ ԲԱՆԿԸ ՏԵՂԵԿԱՑՆՈՒՄ Է

«Կոնվերս Բանկ» ՓԲԸ-ն տեղեկացնում է, որ պարոն Անդրանիկ Գրիգորյանը մարտի 31-ից դադարեցնելու է գործունեությունը Բանկի գլխավոր գործադիր տնօրենի պաշտոնում՝ իր նախաձեռնությամբ:

Բանկի տնօրենը իր անկեղծ երախտագիտությունն է հայտնում պարոն Գրիգորյանին՝ Կոնվերս Բանկում նրա ղեկավարման և Բանկի առաջնորդության գործում կարեւոր ավանդի համար:

Կոնվերս Բանկի տնօրենի նախագահ Մարսելո Վենդես Լոպեսը է. «Մեր երախտագիտությունն ենք հայտնում Անդրանիկ Գրիգորյանին առաջնորդության և Բանկի զարգացման գործում ունեցած կարեւոր ներդրման համար: Նրա կառավարման ընթացքում Կոնվերս Բանկը ամրապնդեց իր դիրքերը Հայաստանի ֆինանսական համակարգում, շարունակեց զարգացնել գործարար հարաբերությունները, զարկ տրվեց Բանկի տեխնոլոգիական փոխակերպմանը, ընդլայնվեցին հաճախորդների և ՀՀ տնտեսության աջակցությանը միտված պրոդուկտային առաջարկները: Այդ գործընթացում առանձնահատուկ շեշտադրում կատարվեց թվային պրոդուկտների և ծառայությունների զարգացման վրա: Անդրանիկ Գրիգորյանին մաղթում ենք նոր հաջողություններ իր հետագա նախաձեռնություններում»:

Կառավարման շարունակականությունն ապահովելու նպատակով տնօրենը Բանկի գլխավոր գործադիր տնօրենի ժամանակավոր պաշտոնակատար է նշանակել պարոն Հրանտ Հակոբյանին, ով ներկայում գաղտնի է Կոնվերս Բանկի գլխավոր գործադիր տնօրենի տեղակալի և ֆինանսական տնօրենի պաշտոնները: Նշանակումն ուժի մեջ կմտնի ապրիլի 1-ից:

Խորհրդի նախագահը հավելել է. «Վերջին 10 տարիների ընթացքում Հրանտ Հակոբյանը եղել է Բանկի ղեկավար կազմի առանցքային անդամներից մեկը: Նրա նշանակմամբ տնօրենը նպատակ ունի ապահովել առաջնորդության շարունակականությունը և Բանկի զարգացման ռազմավարության հետեւողական իրականացումը»:

Կոնվերս Բանկի մասին
«Կոնվերս Բանկ» ՓԲԸ-ն ունի վերստի բանկ է, որը գործում է Հայաստանում և տրամադրում է բանկային ծառայությունների լայն շրջանակ ֆիզիկական անձանց, փոքր և միջին ձեռնարկություններին, ինչպես նաև կորպորատիվ հաճախորդներին: (Գ)

«ԹԵԼ-ՍԵԼ» ԲԲԸ-Ն ՀԱՅՏՆՈՒՄ Է

«Հարգելի՛ գործընկերներ և հաճախորդներ, Տեղեկացնում ենք, որ մեր հաճախորդների հարմարավետությունն ապահովելու և ժամանակը խնայելու նպատակով «Թել-Սել»-ի բոլոր վճարամիջոցներով վերականգնվել են «Յուլբո» բջջային կապի օպերատորի ծառայությունների դիմաց վճարումները: Շնորհակալություն մեզ հետ մնալու և մեր ծառայություններից օգտվելու համար:

«ԹԵԼ-ՍԵԼ» ԲԲ ԸՆԿԵՐՈՒԹՅՈՒՆՆԵՐ ՎԵՐԱԿԱՆԳՎՈՒՄ Է ՀՀ ԿԵՆՏՐՈՆԱԿԱՆ ԲԱՆԿԻ Կողմից:» (Գ)

ՖԱՍԹ ԲԱՆԿ

ՖԱՍԹ ԲԱՆԿԸ՝ ԱՋԱԿԻՑ ԵՎ ՀՈՎԱՆՍՎՈՐ

ԱՄՓՈՓԵԼ ԵՆ



Ֆասթ Բանկն ու Mastercard միջազգային վճարային համակարգն ամփոփել են գործակցության երեք տարին: Համատեղ իրականացված աշխատանքների արդյունքում այս պահին Ֆասթ Բանկը թողարկում է Mastercard-ի արժեքներով տեսակի երկու Ակնթարտ՝ Master World և Master World Elite: Եզակի դիզայներական լուծումներով Ակնթարտերն այսօր սպասարկում են քարտայանների մեծ համայնքի՝ ապահովելով արագ և անվտանգ ֆինանսական գործարքների հնարավորություն ինչպես Հայաստանում, այնպես էլ արտերկրում:

Mastercard միջազգային վճարային համակարգի տարածաշրջանի ղեկավար Դավիթ Զգուրաձեն, արժեւորելով Բանկի հետ գործակցությունը, նշել է. «Մեր համագործակցությունը զարգանում է դեպի ամուր և հեռանկարային գործընկերություն: Ակնհայտ է Ֆասթ Բանկի մեծ ներդրումը հայկական շուկայում, և մենք ուրախ ենք ներդրել նոր ապրանքներ ու ծառայություններ»:

Ֆասթ Բանկը, հավատարիմ լինելով իր հաճախորդակենտրոն արժեքներին, Ակնթարտերի թողարկումից ի վեր իրականացրել է բազում մարքեթինգային և PR (հանրային հարողակցություն) արշավներ՝ իրազեկելով իր քարտայաններին Master World-ի և Master World Elite-ի հնարավորությունների և առաջարկների մասին:

Ֆասթ Բանկի քարտերի սպասարկման ծառայության ղեկավար Աննա Սահակյանը նշել է. «Համագործակցության ընթացքում Ֆասթ Բանկը և Mastercard վճարային համակարգը գոհացրել են հաճախորդների սպասելիքները և շարունակաբար ընդլայնել առաջարկվող հնարավորությունները: Գրանցված ձեռքբերումներով չսահմանափակվելով Ֆասթ Բանկը շարունակում է իրականացնել նոր նախագծեր և նախաձեռնություններ»:

Ֆասթ Բանկի և Mastercard միջազգային վճարային համակարգի հետ համատեղ աշխատանքները կշարունակվեն նույն դիմամիկայով՝ «Ֆասթ»-ի արագությամբ և «Մաստեր»-ի վարպետությամբ:

ՄԵԿՆԱՐԿԵԼ Է

Ֆասթ Բանկը սույն թվականի փետրվարի 23-ից առաջին և երկրորդ տրանշներով մեկնարկել է դոլարային արժեկտրոնային պարտատոմսերի միաժամանակյա երկու տեղաբաշխում 5 միլիոն և 3 միլիոն ԱՄՆ դոլար ընդհանուր թողարկման ծավալով:

Առաջին տրանշի պարտատոմսերն ունեն 5 միլիոն ԱՄՆ դոլար ծավալ և թողարկվել են 100 ԱՄՆ դոլար անվանական արժեքով: Այս ծավալով պարտատոմսերն ապահովում են տարեկան 6% արժեկտրոնային եկամտաբերություն և ունեն 24 ամիս մարման ժամկետ (23.02.2028թ.):

Երկրորդ տրանշի պարտատոմսերը թողարկվել են 3 միլիոն ԱՄՆ դոլար ծավալով և տեղաբաշխվում են 100 ԱՄՆ դոլար անվանական արժեքով՝ 48 ամիս մարման ժամկետով (23.02.2030թ.): Այս պարտատոմսերի տարեկան արժեկտրոնային եկամտաբերությունը կազմում է 6.25%:

Հավելենք նաև, որ ՀՀ հարկային օրենսգրքով նախատեսված արտոնության համաձայն՝ տվյալ պարտատոմսերից ստացվող եկամուտն ազատված է եկամտային հարկից մինչև 2027 թվականի դեկտեմբերի 31-ը ներառյալ:



Ֆասթ Բանկի դոլարային արժեկտրոնային պարտատոմսերը տեղաբաշխվելու են մինչև ս.թ. հունիսի 30-ը:

Ֆասթ Բանկն իր հաճախորդներին հնարավորություն է տալիս պարտատոմսերի ձեռքբերումն իրականացնել ինչպես Բանկի գործող 39 մասնաճյուղերում, այնպես էլ ամբողջովին հեռավար եղանակով՝ Fast Bank Mobile հավելվածի կամ առցանց բանկինգի միջոցով: Ձեռք բերված պարտատոմսերն ու դրանց ողջ նկարագիրն արտացոլվելու է հավելվածի «Իմ պարտատոմսեր» բաժնում:



ՀՀ ԿԲ նախագահի 2026 թվականի հունվարի 29-ի թիվ 1/44Ա որոշմամբ գրանցվել է պարտատոմսերի Ծրագրային ազդագիրը:

ԳԱՐՁԵԼ Է ՀՈՎԱՆՍՎՈՐ

Ֆասթ Բանկը դարձել է հայկական ֆուտբոլի առաջատար «Փյունիկ» ակումբի կանանց և երիտասարդական թիմերի տիտղոսային հովանավորը, ինչպես նաև իր հովանու տակ է առել «Փյունիկ» ակումբի հայկական պատանեկան թիմերը:

Ֆասթ Բանկի գործադիր տնօրեն Գարեգին Դարբինյանը նշել է. «Փյունիկ ֆուտբոլային ակումբի հետ այս համագործակցությունը մեր բնական արժեքների արտահայտումն է: Այս համագործակցությամբ մենք նաև ցանկանում ենք ներդրում ունենալ մեր ֆուտբոլասեր երեխաների աճի և զարգացմանը: Մենք վստահ ենք, որ համատեղ համագործակցությամբ կունենանք դրական արդյունք»:

«Փյունիկը» հայկական լեգենդար ֆուտբոլային ակումբ է՝ 16 չեմպիոնական տիտղոսով և 8 գավաթով: Այս ակումբից են մեծ ֆուտբոլ ճանապարհելի Հենրիխ Մխիթարյանին և Հայաստանի հավաքականի ոսկե սերնդի աստղերին:

«Փյունիկ» ՖԱ գլխավոր տնօրեն Սուրեն Բաղդասարյանը կարեւորել է Բանկի հետ գործակցությունը. «Հուսով ենք, որ Բանկի

հետ համագործակցությունը շատ լուրջ առաջընթաց կապահովի», -ասել է նա:

Գործակցության մեկնարկի միջոցառմանը ներկա են եղել Հայաստանի ազգային հավաքականի դարպասապահ Հենրի Ավագյանը, Արտակ Դաշյանը և երեւանյան թիմի այլ առաջատար ֆուտբոլիստներ: Ավագյանը, իր հերթին, «Փյունիկը» համարում է իր երկրորդ տունը՝ շեշտելով, որ հենց այս ակումբում հանդես գալու ընթացքում են նրան նկատել և հնարավորություն տվել պաշտպանել ազգային ընտրանու գույները. «Փյունիկի նպատակները միշտ Հայաստանի առաջնություններում եղել են բարձր, տիտղոսների համար ենք պայքարում, այս տարի նույնպես փորձելու ենք հաղթել չեմպիոնությունը և գավաթը», -ասել է նա:

Ֆասթ Բանկն այս գործակցությամբ շարունակում է ներդրումներ կատարել սպորտի ոլորտում:

ԱՋԱԿՑՈՒԹՅՈՒՆ Է ՏՐԱՄԱԳԵԼ

Ֆասթ Բանկն աջակցություն է տրամադրել Հրանտ Մաթեոսյանի անվան թանգարանի վերանորոգման համար:

Մեծանուն գրողի անունը կրող կենտրոնում «Հրանտ Մաթեոսյան» մշակութային բարեգործական հիմնադրամն օրերս ամփոփել է հոբելյանական տարին:

«Հրանտ Մաթեոսյան» մշակութային բարեգործական հիմնադրամի տնօրեն Դավիթ Մաթեոսյանն ընդգծել է, որ նմանօրինակ գործակցությունները Մաթեոսյանի պես մեծության ներկայությունն իրականության մեջ դարձնում են առավել կենդանի և զգալի. «Մաթեոսյանի հոբելյանը պիտի նշելիք և այդ առիթով դիմեցինք բազումներին, և բազումներից քչերն արձագանքեցին, և այդ սակավների մեջ, այդ քչերի մեջ իր առանձնահատուկ տեղը և էական ներդրումն ունեցավ Ֆասթ Բանկը», -ասել է նա:

Ֆասթ Բանկի ֆինանսավորմամբ վերանորոգվել է Հրանտ Մաթեոսյանի մշակութային կենտրոն-թանգարանի դահլիճը՝ դարձնելով այն առավել հարմար փոքր ներկայացումների և մշակութային միջոցառումների անցկացման համար: Նորացված դահլիճում արդեն անցկացվում են գրողին նվիրված շնորհանդեսներ ու մշակութային հանդիպումներ:

«Արվեստն ավելի ստույգ է, քան միջուկային ֆիզիկան», -ասել է Հրանտ Մաթեոսյանը արվեստի այս գաղափարի շուրջ են միավորվում մշակութային նախաձեռնություններն ու սոցիալական պատասխանատվություն կրող կառույցները: Ֆասթ Բանկը շարունակում է իր հետեւողական աջակցությունը՝ նպաստելով արժեքների պահպանմանն ու ապագա սերունդների կրթությանը:



Ֆասթ Բանկը թվային բանկ դառնալուն միտված ընկերություն է, որը 24/7 աշխատանքային գրաֆիկով ներկայացված է երեւանում և Հայաստանի բոլոր մարզերում: Ֆասթ Բանկը վերահսկվում է ՀՀ Կենտրոնական բանկի կողմից:

«Տողովուրդ» օրաթերթում և ArmLur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

ՄՇԱԿՈՒՅՑ

ԳՐԻԳՈՐՅԱՆԻ ԱՂՋԻԿԸ

ՏԱՆԸ ՆՄՏԱԾ՝ ԶԵՐ ՏԱՂԱՆԻԸ ԶԵՆ ԳՆԱՂԱՏԻ

Հաղորդավար, երգի ոլեսական բասոնի սֆորտն Մանե Գրիգորյանը, անդրադառնալով «Խազեր» մրցանակաբաժնության անվանակարգերում ներառվելու մասին որոշ երգիչների գրառումներին, նկատել է, թե միայն Հայաստանում է, երբ սաղանդավոր ու ակտիվ են, երգեր են պլեյմենտ ունեն, բայց առաջադրվելու դեպքում բողոքում են:



«Ակտիվ չես, երգեր չես ձայնագրում, տեսահոլովակներ չես նկարահանում, նստած սպասում ես՝ երբ տաղանդդ կգնահատվի: Զեն առաջադրում, բողոքում ես: Հույս ունեմ, որ բոլոր տաղանդավոր երգչուհիներն այս տարի գոնե ակտիվ կլինեն, որ հաջորդ տարի իսկապես ամենաիտաքրքիր անվանակարգը կրկին «Տարվա լավագույն երգչուհի»-ն լինի: Շատ անվանակարգերի հետ համաձայն չեմ, բայց այդ ամենը զարգացնել է պետք, ոչ թե մերժել: Եղբք օրինակ, մոտիվացրեք, որ մի բան փոխվի փոփ երգարվեստում: Անորակը գրավել է շուրջիցնեղ, գոնե դուք ձեր ուրվալ երգերով մի մերժեք»,- նշել է նա:

Նոր հնարավորություններ են հարթակներ հայ արտիստների համար:

Հայկական ազգային երաժշտական ակադեմիան ակտիվ աջակցություն է տալով Recording Academy-ի (Grammy's) հետ համագործակցության ուղղությամբ և շուտով կունենա առավելագույն երկու քվեարկող ձայն «Գրեմմի» մրցանակաբաժնության շրջանակում: Ակադեմիան խթանում է որակյալ երաժշտության ստեղծումը, տարածումը և հանրահռչակումը, ստեղծում նոր հարթակներ հետաքրքիր ձեռագիր ունեցող սկսնակ արտիստների, երաժիշտների համար:

«Խազեր» մրցանակաբաժնության անվանումը վերցված է հայ միջնադարյան նոտագրական համակարգի՝ խազերի անունից: Հայկական ազգային երաժշտական ակադեմիան հայկական և համաշխարհային երաժշտության առանցքային դեմքերի միջև կապ հաստատելու բացառիկ է լիցենզավորված հարթակ է, որը ծառայելու է երաժշտական պրոդյուսերների, գործակալների և կայացած արտիստների գործունեության ընդլայնմանը, միջազգային շուկա դուրս գալու հնարավորությունների ստեղծմանը: Միավորելով հայկական երաժշտական ոլորտում նշանակալի ազդեցություն ունեցող մարդկանց՝ ՀԱԵԱ-ն նոր համագործակցություններ է ստեղծում համաշխարհային շուկայում դառնալով հայկական և միջազգային երաժշտական ոլորտների միջև կամուրջ և ստեղծելով

ՊԱՊՅԱՆԸ՝ ԿԱՍԵՐՈՒՅԻՆ ՆՎԱԳԱԽՄԲԻ ՂԵԿՎԱԿԱՐ

Կոմիտասի անվան կամերային երաժշտության սանդ Տեղի է ունեցել մամուլի ասուլիս՝ նվիրված դիրիժոր և դաճնակահար Վահագն Պապյանի՝ Հայաստանի ոլեսական կամերային նվագախմբի գեղարվեստական ղեկավարի և գլխավոր դիրիժորի դաճնոնում նշանակմանը:



Վահագն Պապյանը խոսել է իր տեսլականի, նվագախմբի զարգացման ռազմավարության, ինչպես նաև միջազգային և տեղական այն նախագծերի մասին, որոնք նախատեսվում է իրականացնել առաջիկայում: Խոսելով Հայաստանի պետական կամերային նվագախմբի գեղարվեստական ղեկավար և գլխավոր դիրիժոր դառնալու առաջարկն ընդունելու մասին՝ մատերտրոն նշել է, որ դրա համար եղել են երկու կարեւոր պատճառներ:

«Պապյանի խոսքով՝ առաջիկայում նախատեսվում է ընդլայնել նվագախմբի կազմը՝ ներառելով նաև փողային գործիքներ, ինչը հնարավորություն կտա զգալիորեն ընդլայնել ցանկը:

«Առաջինը՝ այս նվագախմբի իրական արժեքը միշտ չէ, որ լիարժեք գնահատվում է: Մինչդեռ այն շատ լավ բարձրակարգ և որակյալ նվագախումբ է՝ լայն կատարողական հնարավորություններով: Երկրորդը՝ այստեղ աշխատում են բարձր մակարդակի պրոֆեսիոնալներ, որոնց հետ հնարավոր է իրականացնել հետաքրքիր և բազմազան ծրագրեր»,- նշել է նա:

«Պատրաստում ենք հետաքրքիր ծրագրեր: Կլինեն ինչպես հատուկ նախագծեր, այնպես էլ ավանդական ծրագրեր, որոնք բնորոշ են նվագախմբին: Բնականաբար, կարեւոր տեղ է զբաղեցնելու նաև հայկական երաժշտությունը՝ մեր կոմպոզիտորների ինչպես դասական, այնպես էլ ժամանակակից ստեղծագործություններով»,- եզրափակել է մատերտրոն:

ԼՈՒՐԵՐ

ԲԻԼԼԻ ԱՅԼԻՇԸ ՄԱՏԱՆԻ ՈՒՆԻ



Երգչուհի Բիլլի Այլիշը «Գրեմմի» մրցանակաբաժնությանը ներկայացել էր մատանին մատնեմատին: Այս մասին հայտնում է Daily Mail պարբերականը, հաղորդում է gazeta.ru-ն: Բիլլի Այլիշը ներկա է գտնվել «Գրեմմի» մրցանակաբաժնությանը, որը տեղի է ունեցել փետրվարի 1-ին Լոս Անջելեսում: Կարմիր գորգի վրա երգչուհին մատնեմատին ցուցադրել է թանկարժեք քարերով զարդարված մատանին: Համացանցում լուրեր են տարածվել, որ փոփ երգչուհին ամուսնանում է ընկերոջ հետ: Սակայն հայտնի անձն ինքը դեռ չի մեկնաբանել երկրպագուների ենթադրությունը: Բիլլի Այլիշի և Նեթ Ուոլֆի միջև սիրավեպի մասին լուրերը տարածվեցին մարտի վերջին: Երգչուհին թողարկեց իր «Chihiro» երգի տեսահոլովակը, որում նկարահանվել է նաև դերասանը: Այնուհետև հայտնիներին պարբերաբար տեսել են միասին, իսկ հետո երկրպագուները լուսանկարել են արտիստներին մրցանակաբաժնությունից միասին դուրս գալիս:

ԶՈՐՄ «ՕՍԿԱՐ» Է ՄՏԱՑԵԼ



Ամերիկահայ կինոպրոդյուսեր Սեյ Օհանյանի «Մեղավորներ» ֆիլմը դարձել է տարվա ամենաքննարկվող ֆիլմերից մեկը և «Օսկար»-ի 98-րդ մրցանակաբաժնությունում հաղթել 4 անվանակարգերում՝ լավագույն օրիգինալ սցենար (Ռայան Քուդլեր), լավագույն օրիգինալ երաժշտություն (Լյուդվիգ Գորանսոն), լավագույն օպերատորական աշխատանք (Օթթմ Դյուրըլը Արքըլոու), լավագույն դերասան (Մայքլ Ջորդան):

● Այսօր՝ մարտի 17-ին՝ ժամը 19:30-ին, «Բոհեմ» թատրոնում տեղի կունենա «Անփորձանք գիշեր» ներկայացումը:



ՖԻՆԱՆՍԱԿԱՆ

ՀԱՐՑ. Ի՞նչ դայմաններով կարող եմ ձեռնարկել նուսանողական վարկեր: Հնարավո՞ր է՝ ես իմ երեխաների համար ստանամ դա:
Մարգար Պահլեունի, 60 տարեկան



ՊԱՏԱՍԽԱՆ. Այո, ՀՀ ֆինանսների նախարարությունը ունի ծրագիր՝ կրթության ֆինանսավորման այլընտրանքային գործիք, որը հնարավորություն կտա Ձեզ ձեռք բերել վարկեր ուսումնառության ընթացքում եւ դրանց հիմնական մասը մարել ուսումնառության ավարտից հետո: Ծրագրի շրջանակում ուսանողներին վարկեր են տրամադրվում 12 տոկոս տարեկան տոկոսադրույքով, որից 2 տոկոսը սուբսիդավորում է պետությունը, իսկ մեկ տարվա ընթացքում առավել բարձր առաջադիմություն ցուցաբերած ուսանողների դեպքում սուբսիդավորումը կկազմի 3 տոկոս: Վարկերը տրամադրվում են 10 տարի մարման ժամկետով՝ սահմանելով արտոնյալ ժամկետ՝ ուսումնառության ընթացքում առավելագույնը 4 տարվա համար, ինչը նշանակում է, որ այս ընթացքում մայր գումարի մարում տեղի չի ունենում, վճարվում են միայն տոկոսադրույքները:

ՀՀ ֆինանսների նախարարություն

«ԺՈՂՈՎՈՒՐԳ». Նշենք, որ յուրաքանչյուր ուսանողի հաշվով նախատեսված է առավելագույնը 1.800.000 դրամ՝ առավելագույնը 4 մասնաբաժնով, սակայն ոչ ավելի, քան 450 հազար դրամը՝ կախված յուրաքանչյուր մասնագիտության համար սահմանված ուսման վարձավճարի չափից:

ՀԱՍԱՐԱԿՈՒԹՅՈՒՆ

ՀԱՐՑ. Ի՞նչ հեռախոս է, թե ինչ հաճախակցություն է կազմակերպվում նոստրական քարզմանչի որակավորման ստուգումները, եւ ինչպե՞ս հասկանալ, որ քարզմանչը ունի որակավորում, որը՝ չէ:

Անահիտ Ադամյան, 55 տարեկան



ՊԱՏԱՍԽԱՆ. Սիրով տեղեկացնում ենք, որ առկա տարեկան մեկ անգամ պետք է որակավորման ստուգում անցնեն քարզմանչները: Ստուգման մասին հայտարարությունը հրապարակվում է www.moj.am եւ www.azdarar.am կայքերում ոչ ուշ, քան ստուգումն անցկացնելուց քսան օր առաջ: Առաջարկում ենք այս կայքերով հետեւել ընթացքին եւ ձեզ հուզող հարցերը գուցե կարողանաք գտնել:

ՀՀ արդարադատության նախարարություն

«ԺՈՂՈՎՈՒՐԳ». Տեղեկացնում ենք ձեզ, որ նոտարական թարգմանչի որակավորմանը մասնակցելու համար կարող են դիմել գործունակ անձինք, ովքեր ունեն բարձրագույն կրթություն, օտար լեզվին տիրապետելու մասին վկայական:

ԼՈՒՐ ԿԱԴՐ

Լուսանկարը՝ համացանցից



Նիկոլ Փաշինյանը իր չհայտարարված քարոզարշավի շրջանակներում այս անգամ էլ ցուցադրեց իր տաղանդը թթու լավաշ ուտելու հարցում:

ԲԱԺԱՆՈՐԴԱԳՐՈՒԹՅՈՒՆ

Մեր թերթը Բաժանորդագրվելու համար կարող եք դիմել



«Հայկոստ» ՊՓԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-53-01

Առաքումը՝ ԱՆՎՃԱՐ:

Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրության **(010 54-64-23)** հեռախոսահամարով, եւ մենք անպայման կանդրադարձանք ձեր բարձրացրած բոլոր խնդիրներին:

ԱՌԱՋԱՐԿ

հայկական տպագիր մամուլից

«Ժողովուրդ» օրաթերթին բաժանորդագրվելու համար կարող եք լրացնել հետեւյալ բլանկը:
Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային եւ/կամ քաղաքային հեռախոս՝ _____

ԵՂԱՆԱԿԻ ՏԵՍՈՒԹՅՈՒՆ



☾	Շիրակ	- 2 - 5 + 6 + 10
☾	Կոտայքի լեռներ	0 - 4 + 6 + 9
☾	Կոտայքի նախալեռներ	+ 1 + 4 + 9 + 12
☾	Գեղարքունիք	0 - 4 + 4 + 8
☾	Լոռի	- 2 + 2 + 10 + 14
☾	Տավուշ	- 1 + 2 + 11 + 15
☾	Արագածոտնի լեռներ	- 1 - 4 + 5 + 9
☾	Արագածոտնի նախալեռներ	+ 1 + 5 + 9 + 14

☾	Արարատ	+ 2 + 5 + 11 + 14
☾	Արմավիր	+ 3 + 6 + 15 + 17
☾	Վայոց ձորի լեռներ	- 2 - 5 + 4 + 8
☾	Վայոց ձորի նախալեռներ	+ 4 + 7 + 14 + 17
☾	Սյունիքի լեռներ	0 - 3 + 4 + 8
☾	Սյունիքի նախալեռներ	+ 1 + 3 + 10 + 13
☾	Սյունիքի հովիտներ	+ 6 + 9 + 13 + 16
☾	Երեւան	+ 2 + 4 + 13 + 15

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
Հասցեն՝ ք. Երեւան, Աբովյան 22՝/3, հեռ՝ 010 54-64-23
Պետական գրանցման վկայականի համարը՝ 03U089086
տրված է 24.11.2010
Ստորագրված է տպագրության 16.02.2026
Տպաքանակ՝ 3968

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆԴ» տպարան ՍՊԸ հրատարակչությունում
խմբագրություն հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետեւյալ նախադասությունը: «Շարունակությունը կարող էք կարդալ «Ժողովուրդ» օրաթերթի այսօրվա համարում»: